

si Papa particulariter non exprimit in concessione, nullo modo debet intelligi, vel deduci ex concessione generali, ut est concessio Pauli. 4. & Pij. 5. nunquam enim Papa in generali concessione visus est alicui præiudicare. Et non est dubium, quod in Ecclesijs Fratrum supra dictis, possit fieri Baptismus, aliàs concessio Pauli. 4. & Pij. 5. suum effectum non consequeretur. Et sic de nouo concessit Pius. 5. ut in omnibus Monasterijs ordinũ, vel extra illa in locis ipsarum partium ipsis deputatis, possint Religiosi Baptizare. Quo privilegio utuntur omnes Prouincię Indiarum, ut scilicet in Monasterijs Ordinum, vel extra in locis ipsarũ partium, ipsis deputatis, possint Baptizare. De Indis aliorum populorũ puta, Clericorum, vel alterius Ordinis idem dico, quod scilicet, possunt Baptizari per Fratres in locis supra dictis: quia sic fuit factum à principio in his Prouincijs. Postea anno supra dicto millesimo quingentesimo sexagesimo septimo, Pius. 5. concessit Fratribus Mendicantibus Indiarum, ut in locis vbi supra, possint de licentia suorum Prælatorum in Capitulo Prouinciali obtenta, administrare